

醫方集宜卷六目錄

眼目門

耳門

鼻門

咽喉門

口舌門

牙齒門

急救諸方



醫方集宜卷之六

眼目門

五輪見證

眼兩角大小皆屬心為血輪病則赤脈上生昏熱腫痛赤爛多生浮翳血灌瞳人大眦先赤而傳小眦左眼先患而傳右眼其病在心

黑精屬肝為風輪病則昏暗黑花頭痛有淚其病在肝

上下兩胞屬脾為肉輪病則眼胞腫起努肉侵睛外生小塊在廊名曰偷鍼拳毛倒睫其病在脾



白眼屬肺為氣輪病則白睛腫起多生瘀肉有淚白膜侵睛名曰氣障其病在肺

瞳人屬腎為水輪病則眼目昏暗瞳青人綠頭痛淚觀人物若堆烟視太陽如水花久成青盲內障其病在腎

八廓見證

闕泉廓病在瘀肉侵睛屬小腸

水谷廓病主額角常眵淚多黑花屬脾胃

會陰廓病主陰暗生淚屬腎

胞陽廓病主眦內赤腫睛疼多瘀肉屬心命門

清淨廓病主兩背痒痛淚出屬胆
傳道廓病主昏朦多淚屬肺大腸
津液廓病主血絲侵睛努肉生翬屬膀胱
養化廓病主赤筋拳毛倒睫屬肝

治法

治眼之法觀其形證究其所因風則驅散之熱則清
涼之氣則調順之虛則補益之又有雲翳遮睛拳毛
倒睫血灌瞳人努肉攀睛等症各隨所受臟腑虛實
老少新久取次而求治焉

風眼因目冒風沙其症瞳青胞白痒而多淚不赤不



疼宜用 洗肝散 聖效散 決明子散 蜜蒙

花

火眼即熱眼因五臟積熱上攻於目其症烏輪突起

胞硬紅腫眵淚濕漿裏熱刺痛羞明隱澁淚出不

止宜用 洗心散 龍胆湯 芎辛湯 東垣救

苦湯 黃連膏 珍珠散 羊肝丸

氣眼因七情不順暴怒傷肝其症眼目朦朧昏暗痠

澁胞腫不硬或生雲翳微赤多淚宜用 明目流

氣飲 決明子散 蟬花無比散 勻氣散 三

花五子丸

白膜遮睛是雲翳生於睛上漸侵入水輪因肺經熱

毒之氣攻上不散聚結成雲宜用

撥雲散

蟬

花散 復明散 當歸龍胆湯 白龍散

磨翳

散 八寶丹 明目地黄丸 撥雲錠子

珍珠

散

血灌瞳人因肝胆二經多有積熱其症血絲侵睛上

灌瞳人朦朧腫赤宜用 車前子散 瀉肝散

退血散 加味四物湯 湯泡散 白龍散

拳毛倒睫因心脾二經積熱其目邊緊急皮縮毛向

裏生刺睛隱痛當去其內熱眼皮緩而毛自出矣

宜用 防風飲 石燕散 靈應膏

努肉攀睛因脾肺二經有熱血凝不散其症兩眦赤

肉侵睛眼肉生翳宜用 黃連龍胆湯 清涼退

赤散 紅花散 還睛散 黃連膏 春雪膏

雞冠蜆肉胞反赤腫皆由脾虛積熱瘀血凝滯與努

肉攀睛同治

爛弦風眼因脾經風熱久結不散其症眼邊爛兩眦

赤痒昏澁多淚久而生蟲宜用 金露散 卷簾

散 綠雲膏

內障是腦脂凝結因怒暴大憂損傷肝腎其症睛內

隱如霧遮瞞漸侵瞳子不紅不腫睛目如常但瞳人反背不能視物須用金針微撥宜用復明散

甘菊湯

勻氣散

八寶丹

杞苓丸

駐景丸

還睛丸

從容丸

外障因脾肺積熱血凝氣滯瘀血侵睛澀痛多淚宜

用

退赤撥雲散

穀精散

磨翳膏

明目地

黃丸

青盲因胎中肝受風熱其症至晚朦朧昏暗視物不

見日久睛藍者不治宜用

瀉肝散

聚寶散

雀目眼障每至黃昏睹三光不明如物遮蔽乃肝腎

之虛也宜用 鎮肝丸 羊肝丸 兔絲子散

夜明沙散

脈貫瞳人乃是白睛上有赤脈串貫瞳人蓋因心

壅熱以致羞明澀痛宜用 沙糖煎 退赤散

胞皮腫赤是瞼胞翻突赤腫因腫因脾經風熱以致

瘀血凝滯宜用 清涼退赤散 白龍散

迎風冷淚凡遇秋冬淚出不止乃是肝脾二經受邪

冷之氣宜用 楮實子散 桑葉煎 槐皮煎

睛突眶外名蟹眼因心肺二經久受風熱血輪赤腫

多淚宜用 春雪膏 黃連膏 點眼膏子

又小兒睛突眶外亦名蟹眼宜用 黃芪煎湯細呷

之

瞳子散大由食辛熱過多蓋辛能助火火邪上乘

於腦中以致精散視物散大不明皆由精少血虛

陰弱水虧宜用 五味子湯 熟乾地黃丸 明

目益腎丸 從蓉丸 杞苓丸

能遠視而不能近視乃陽氣不足陰氣有餘氣虛而

血盛則陰火盛而陽氣衰宜用 補陽活血湯

定志丸

能近視而不能遠視乃陽氣有餘陰水不足血虛而

氣盛則陽氣盛而陰水少宜用

地芝丸 六味

地黃丸 明目益腎丸

治方

洗肝散 治風熱上攻眼目赤腫隱澁難開

薄荷 當歸 羌活 甘草 大黃 防風

山梔 川芎

水二鍾煎八分不拘時服

聖效散 治風熱上攻痒而多淚或生血筋翳膜

黃芩 細辛 甘草 生地黃 大黃 芍藥

當歸 菊花 山梔 牛蒡子 桑皮

水二鍾煎八分食遠服

決明子散 治風毒上攻眼目赤腫

黃芩 菊花 木賊草 石膏 芍藥 川芎

甘草 蔓荊子 石決明 羌活

水二鍾姜三片煎八分食後服

蜜蒙花散 治風熱攻注兩眼昏花羞明隱澁或痒

或痛視物不明

蜜蒙花 木賊草 羌活 菊花 甘草

石決明 白疾_利 防風 蔓荊子

右為末每服一錢茶清調下

洗心散 治風熱上攻赤腫胞硬隱澁難開羞明多

淚

白朮

麻黃

當歸

荊芥

芍藥

甘草

大黃

水煎不拘時服

龍胆湯

治目暴發隱澁腫痛

當歸

川芎

芍藥

生地黃

羌活

防風

龍胆草

防己

水二鍾煎八分食遠服

芎辛湯

治火熱上攻兩目隱澁難開羞明惡日

細辛 芎藭 蔓荊子 甘草 白芷 防風

水二鍾煎八分不拘時服

東垣救苦湯 治暴發赤腫瞼高苦痛不住

桔梗 連翹 紅花 細辛 當歸 甘草

蒼朮 龍胆草 羌活 升麻 柴胡 防風

生地 藁本 黃連 黃柏 黃芩 知母

川芎

水二鍾煎八分食遠服

黃連膏 治火熱上攻眼目赤腫而痛或有瘀肉攀

睛

黃連

半斤為末

白丁香

五升去土

朴硝

一升淘去陰乾

右取硝香入釜內重水熬至七分淘出令經宿水
面浮牙者取出控乾以紙袋子盛風中懸至風化
將黃連細末熬清汁晒乾入風硝更加猪羊胆和
蜜令勻點眼極妙

珍珠散

治暴赤火眼腫障痒痛羞澁多淚或生翳

膜

蘆甘石

一斤

黃連

一斤

右取黃連煎湯以甘石火煨通紅入連水內淬煨

七次去黃連不用將甘石研極細末飛過去沙脚
陰乾再入乳鉢內復研過每甘石一兩入冰片
錢研勻每用少許先用井花水洗淨眼用銀簪
點入大小眚又多年爛弦風眼入麝香少許再研
點之

羊肝丸

鎮肝明目

黃連

一兩

菊花

防風

薄荷

荆芥

羌活

當歸

川芎

右為末用白羊肝去筋膜搗爛和丸如桐子大每
服五十丸滾白湯下

明目流氣飲 治肝氣不足內生風熱上攻眼目昏

睛痠澀胞腫微赤多淚不明

大黃 牛蒡子 川芎 菊花 細辛 玄參

梔子 白蒺藜 黃芩 甘草 荆芥 蒼朮

木賊草 蔓荊子 草決明

水二鍾煎八分食遠服

蟬花無比散 治氣鬱傷肝眼目昏睛痠澀或生翳

膜或爛弦風眼

蟬退 蛇退 羌活 當歸 石決明 川芎

防風 茯苓 甘草 白蒺藜 芍藥 蒼朮